

## **Minangkabau - Janji Alkitab - Promises Scriptures**

**Yesaya 59:17; Yesaya 61:10 - Efesus 6:14,17 Andaklah angku-angku tatap siyap sadiyo. Pakailah kasatiyaan kapado Jehovah sebagai ikek pinggang, pakailah katuluuhan ati sebagai baju basi di angku-angku. 17 Ambiaklah kupiyah kasalamatan sebagai topi baja, pagunokanlah firman Jehovah sebagai padang dari Roh Jehovah.**

**Matius 24:22 Jikok santano Jehovah indak mampasingkek wakatunyo; mako indak surang juwo doh urang nan ka salamaik. Tapi dek karano kasiah-Nyo kabake umaik-Nyo, mako Jehovah mampasingkek wakatunyo.**

**Matius 26:41 Bajago-jagolah, sarato badowalah, supayo angku-angku jan mangalami cobaan. Batua roh angku-angku layi namuah mangarajokan apo nan baiak, tapi di angku-angku indak talok, dek karano tabiyaik manusia tu lamah."**

**Markus 10:48-52 Mako bi bangihlah urang nan banyak kabake inyo, inyo disuruah anok. Tapi inyo malah ma ariak labiah kareh daripado cako, "Oih Anak Nabi Daud, iboilah Ambo ko!" 49 Mako barantilah Isa Almasih bajalan, Baliau bakato, "Payilah imbau inyo." Mako payilah urang-urang tu ma imbau si Bartimeus. Urang-urang tu bi bakato kabake inyo, "Anoklah lai! Wa-ang di imbau dek Isa Almasih, tagaklah!" 50 Si Bartimeus mambaekan jubahnya, sudah tu inyo bagageh tagak, payi ka adok-an Isa Almasih. 51 "Apo nan niyo nak angkau mintak, nan ka Ambo pabuwek untoak angkau?" tanya Isa Almasih kabake inyo. Inyo manjawab, "Ngku Guru, kok dapek mato ambo ko bisa untoak maliyek." 52 "Alah, payilah lai," kecek Isa Almasih, "dek karano angkau picayo kabake Ambo, itu mangkonyo angkau cegak." Disakutiko tu juwo, mato si Bartimeus bisa untoak maliyek. Inyo lah sato pulo ma iriangkan Isa Almasih bajalan.**  
**(Matius 20:30-34)**

**Markus 16:20 Mako pangikuik-pangikuik-Nyo tu, bi payi untoak mambaritokan Injil nan dari Jehovah kian kumari. Tuhan pun sato bakarajo samo-samo jo urang-urang tu, sarato mambuktikan malalui mukjizat-mukjizat, baraso, apo nan ditaritokan dek urang-urang tu adalah kabanaran.**

**Lukas 14:23 Sudah tu induak samangnyo tu mangatokan, 'Payilah ka labuah-labuah gadang sarato jo ka lorong-lorong diluwa kota, pasolah urang-urang nan basuwo disinan untoak datang kamari, buliah rumah ambo ko panuah.**

**Lukas 21:15 Ambo sandiri nan ka mambarikan kabake angku-angku, kato-kato sarato jo pangatawan nan ka dikatokan, sainggo indak surang juwo doh urang dari musuah angku-angku tu, nan ka bisa malawan atau manulak apo nan angku-angku katokan.**

**Lukas 21:36 Bajago-jagolah, sarato badowalah taruih, supayo angku-angku**

**kuwaik untoak ma adok-i kasadonyo kajadian nan ka tajadi, supayo angku-angku indak maraso takuik tagak di adok-an Anak Manusia."**

**Yahya 17:15 Ambo indak mamintak supayo Bapak ma ambiak inyo dari dunia ko doh, tapi, nan Ambo mintak adolah, supayo Bapak manjago urang-urang tu, jan sampai digaduah dek si Jahek.**

**Rasul 11:23 Kutiko si Barnabas tibo disinan, lah nyo caliak sandiri, Jehovah iyo sabana mambarakaik-i urang-urang tu, gadang bana atinyo. Inyo mintak kabake urang-urang tu, supayo sabana-bana satiya kapado Tuhan sapanuah ati.**

**Rasul 13:48 Baru mandanga nan bakcando itu, urang-urang bango lain nan indak urang Yahudi, sanang bana atinyo, mako inyo mamuliekan firman Tuhan. Baitu pulo urang-urang nan lah ditantukan dek Jehovah, untoak mandapek iduik sajati nan kaka, inyo pun bi picayo.**

**1 Korintus 10:13 Satiyok cobaan nan sudaro alami, adolah cobaan nan galik di alami dek manusia. Tapi Jehovah satiya pado janji-Nyo. Baliau indak ka mampadiyakan doh, sudaro dicuboi labiah daripado nan talok dek sudaro. Dikutiko sudaro ditimpo dek cobaan, Baliau ka ma agiah jalan kabake sudaro untoak manjadi kuwaik, supayo sudaro dapek batahan.**

**1 Korintus 16:9 Biyapun sambuah urang disiko nan manantang ambo, tapi banyak pulo kasampatan untoak mangarajokan karajo-karajo nan sangaik pantiang.**

**2 Korintus 12:9 Tapi Tuhan manjawab, "Aden mangasiah angkau, itu lah cukuik tu untoak angkau; dek karano, kuwaso-Den batambah kuwaik, jikok angkau dalam ka adaan lamah." Itu sababnyo, mangko ambo labiah suko mamanggakkan sagalo kalamahan ambo, dek karano, jikok ambo lamah, mako batambah tarasolah kuwaso Isa Almasih malinduangi ambo.**

**Efesus 6:11 Pagunokanlah kasadonyo pakakeh parang, nan dibarikan dek Jehovah kabake angku-angku, supayo angku-angku dapek batahan malawan aka ciluah dari Ubilih.**

**Ibrani 1:7,14 Tantang malekaik-malekaik, Jehovah bakato bakcando iko, "Jehovah mambuwek malekaik-malekaik-Nyo manjadi angin, sarato palayan-palayan-Nyo manjadi nyalo api." 14 Jikok baitu, malekaik-malekaik tu apo nan sabananyo? Inyo adolah roh-roh nan malayani Jehovah, sarato nan disuruah dek Jehovah, untoak manolong urang-urang nan ka manarimo kasalamatan.**

**Yakobus 4:7 Dek karano itu, tunduaklah kapado Jehovah, sarato lawanlah ubilih, mako ubilih ka lari dari angku-angku.**

**1 Petrus 5:10 Tapi, sasudah angku-angku sansaro agak sabanta, Jehovah sandiri nan ka mambuwek angku-angku manjadi samparono. Baliau ka managakkan, sarato ka manguwaikkan angku-angku, sarato jo ka mangokohkan angku-angku. Dek karano, Baliau adolah Jehovah nan**

**sangaik elok ati, nan lah ma imbau angku-angku, untuak sato marasokan kabasaran-Nyo nan kaka malalui Isa Almasih.**

**Yesaya 43:2 fire and water not hurt God's people. - Efesus 2:10 Kito adolah buatan Jehovah, sarato malalui Isa Almasih Jehovah mambantuak kito, supayo kito mangarajokan parkaro-parkaro nan baiak, nan lah Baliau pasiyapkan untuak kito.**

**Yahya 14:1 "Janlah rasah ati angku-angku," kecek Isa Almasih kabake urang-urang tu. "Picayolah kapado Jehovah, picayo pulo lah kabake Ambo.**

**Yahya 14:27 Sanang salamaik nan di Ambo, nan Ambo tinggakan untuak angku-angku. Sanang salamaik nan punyo Ambo sandiri, nan lah Ambo agiahkan untuak angku-angku. Nan Ambo agiahkan tu indak samo doh jo nan diberikan dek dunia. Janlah rasah, janlah takuik.**

**Yahya 16:6 Malah kiniko angku-angku ba ibo ati, dek karano Ambo mangatokan, baraso Ambo lah ka payi lai.**

**Yahya 16:20,22 Picayolah jo kecek Ambo, angku-angku ka manangih jo maratok, tapi dunia ka bagadang ati. Angku-angku ka ba ibo ati, tapi, ati angku-angku nan ibo tu ka baganti jo sukocito. 22 Baitu pulo jo angku-angku: Kiniko angku-angku basusah ati, tapi sudah tu angku-angku ka batamu jo Ambo baliak, mako angku-angku ka bagadang ati; indak surang juwo doh urang nan bisa ma ambiak sukocito tu dari ati angku-angku.**

**Rasul 2:46 Satiyok ari inyo tatap bakumpua di Rumah Tuhan; sacaro jo balega-lega disatiyok rumahnya, inyo ma adokan makan basamo-samo basukocito, inyo bi randah ati.**

**Roma 9:2 Ambo sabana sadiah, ati ambo sansaro pulo 3 dek karano di sudaro-sudaro ambo, nan sabanso jo ambo. Asakan layi untuak kasalamatan inyo kasadonyo, ambo rilah dikutuak dek Jehovah, rilah pulo dipisahkan dari Isa Almasih.**

**2 Korintus 1:2-4 kami ma arokkan, mudah-mudahan Jehovah Bapak kito, sarato jo Tuhan Isa Almasih, mambari barakaik sarato jo aman santoso kabake angku-angku. 3 Sagalo pujian untuak Jehovah, Bapak dari Tuhan kito Isa Almasih. Baliau adolah Bapak nan sangaik elok ati, Baliau adolah Jehovah nan mambarikan sagalo kakuatan kabake kito manusia. 4 Baliaulah nan mambari kakuatan kabake kami, untuak ma adok-i satiyok kasulitan nan tasuwo di kami, supayo jo kakuatan nan kami tarimo dari Jehovah tu, kami dapek pulo mambari kakuatan kabake sadonyo urang nan dalam kasusahan.**

**2 Korintus 2:4 Ambo mambuwek surek ko kabake angku-angku, jo ati nan ibo sarato jo ati nan barek, sambia ba urai ayie mato. Ambo indak ba mukasuik supayo angku-angku ba ibo ati pulo doh, tapi supayo angku-angku buliah manyadari, baraso ambo sabana mangasiah angku-angku.**

**Efesus 5:19 Pagunokanlah kato-kato dari kitab Zabur, lagu puji-pujian sarato**

**jo lagu rohani, dalam satiyok angku-angku mangecek-ngecek. Andaknyo jo ati nan sukocito angku-angku malagukan puji-pujian kapado Tuhan.**

**Filipi 4:4 Mudah-mudahan angku-angku tatap basukocito, dek karano angku-angku iduik lah basatu jo Tuhan. Sakali lai ambo katokan: basukocitolah!**

**Yakobus 5:13 Jikok di antaro angku-angku ado nan sadang susah, andaklah inyo badowa. Jikok ado nan basukocito, andaklah inyo malagu mamuji Jehovah.**

**Genesis 20:6 Jehovah keep from sinning against Christians.**

**Exodus 35:21,26 heart make willing spirit.**

**Angka 10:35 Jehovah arise enemy scatter.**

**Deuteronomy 2:25 fear and dread of Jehovah on people.**

**Yosua 2:9 terror of Jehovah on Jericho.**

**1 Samuel 17:48,50 - Daud & Goliath**

**Ayub 29:14 robe of righteousness.**

**Kiyeh 13:11,22 Jehovah give wealth of wicked to righteous.**

**Kiyeh 22:22,23 Jehovah defend the oppressed.**

**Ester 8:17 fear of Jews on people.**

**Yesaya 35:8 Way of Holiness**

**Yesaya 49:25 Jehovah contend with enemy.**

**Yesaya 54:17 no weapon against Jehovah people.**

**Yesaya 59:19 Spirit Jehovah lift up standard against enemy floods.**

**Hizkiel 22:30 Jehovah want man pray for people.**

**Hizkiel 45:8 rulers not oppress Jehovah people.**

**Daniel 4:16; Daniel 7:4 have heart of man or beast.**

**Zakharia 4:6 Not by might, nor by power, but by My Spirit, saith the Tuhan of hosts.**

**Roma 6:23 Dek karano, upah doso adolah mauik; tapi, iduik sajati nan kaka, nan samo-samo jo Isa Almasih Tuhan kito, adolah pambarian nan diberikan dek Jehovah sacaro perai.**

**Roma 8:2 Dek karano paratuaran Roh Jehovah, nan manjadikan kito iduik basatu jo Isa Almasih, nan lah malapehkan ambo dari paratuaran nan manyababkan doso, sarato jo mauik.**

**2 Timotius 1:10 Nan kiniko, Jehovah manyatokan rahmaik-Nyo tu kabake kito, jo sacaro kadatangan Rajo Panyalamaik kito, Isa Almasih. Isa Almasih mangalahkan kuwaso mauik, sarato mambawok iduik nan kaka malalui Injil tu.**

**Hizkiel 37:12,13 Jehovah open graves & bring out people - Wahyu 20:13**

**Sudah tu, lauik manyarahkan urang-urang mati, nan ado di dalamnya.**

**Mauik jo Alam Mauik pun manyarahkan urang-urang mati nan ado dinyo.**

**Kasadonyo urang-urang mati tu dijatuahi ukunan nan sabandiang jo pabuatannya.**

**Matius 27:52 Kubuaran-kubuaran bi tabukak, sambuah umaik Jehovah nan lah mati, di iduikkan baliak.**

**Rasul 17:25 Baliau indak mamaralukan pulo doh bantuan manusia, dek karano Baliaulah nan ma iduikkan, nan mambari angok, nan mambari sagalo sasuatu kabake manusia. (Ayub 12:10)**

**Wahyu 13:15 Binatang nan kaduwo tu dibuliahkan mambari nyawo kabake patuang tu, saingga patuang tu dapek mangecek, inyo mambunuah kasadonyo urang nan indak namuah manyambahnyo.**

**Yahya 10:10 Pancilok tibo hanyo untuak mancilok, untuak mambunuah jo untuak marusak. Tapi kadatangan Ambo adolah untuak, supayo umaik manusia mandapekkan iduik -- iduik nan balimpah-limpah.**

**Wahyu 22:1 Malekaik tu manunjuakkan pulo kabake ambo, batang ayie, nan ayienyo mambari kahidupan. Batang ayie tu janiah bakiloc-an, janiah nan sajaniah-janiahnyo, ma ilie dari kurisi Jehovah, sarato jo dari kurisi Anak Domba,**

**Yahya 4:10 Isa Almasih manjawab, "Santano amai tawu jo pambarian Jehovah, layi tawu pulo jo Urang nan mamintak ayie minun kabake amai, mako lah musti, amai sandirilah nan ka mamintak ayie minun kabake Inyo, mako Inyo ka mambarikan kabake amai ayie, untuak iduik, nan sabana iduik."**

**Yahya 4:14 "tapi, urang nan maminun ayie nan ka Ambo barikan, inyo indak ka auih lai untuak salamo-lamonyo. Dek karano ayie nan ka Ambo agiahkan tu, ka manjadi mato ayie di dalam dirinyo, nan ka mamanca kaluwa, sarato mambawok dirinyo kabake iduik sajati nan kaka."**

**Yeremia 21:8 - Matius 7:13,14 "Masuaklah malalui pintu nan sampik, dek karano, pintu nan ka narako lapang, labuah nan manuju ka narako laweh, sambuah urang nan suko lalu disinan. 14 Tapi, sabana sampiklah pintu nan ka sarugo, sarato suliklah jalan nan dapek mambawok urang kapado iduik nan kaka. Saketek sangaiklah urang nan layi basuwo jo jalan nan bakcando itu."**

**Kiyeh 10:2 - Roma 5:21 Nah, kito samustinyo mati, dek karano kito lah badoso. Tapi Jehovah sangaik mangasiahi kito, Baliau mambukak jalan untuak kito, supayo kito ba elok baliak jo Baliau. Dek karano ubuangan kito lah elok baliak jo Jehovah, mako Baliau mambarikan pulo iduik sajati nan kaka kabake kito, malalui Isa Almasih, Tuhan kito.**

**Matius 15:4 Dek karano Jehovah lah mangatokan, 'Aromaik-ilah bapak sarato jo mandeh angkau,' 'Bagi siya nan mangato-ngatowi bapaknya atau mandehnyo, inyo musti ka di ukun mati.'**

**Markus 13:22 Dek karano, panyalamaik-panyalamaik palasu, sarato jo nabi-nabi palasu, ka bi mancogok. Inyo ka mampaliyekkan tando-tando nan luwa biaso, sarato jo ka ajaiban-ka ajaiban untuak mangicuah, jikok**

**mungkin umaik Jehovah pun ka dikicuhahnyo pulo. (Hizkiel 13:17-23)**

**Yahya 5:28,29 Jan angku-angku tacangang mandangkan kato-kato Ambo ko, dek karano, isuak ka tibo masonryo, baraso kasadonyo urang nan la mati, ka mandangkan suwaro Anak Manusia, 29 sudah tu, urang nan la mati tu bi kaluwa dari kubuarannya. Urang nan la mampabuwek nan baiak, inyo ka di iduikkan baliak untuak iduik nan kaka. Tapi urang nan la mampabuwek nan jahek, inyo ka di iduikkan baliak untuak ka di ukun."**  
**(Yesaya 26:19)**

**Yahya 10:28 Ambo mambarikan kabake domba-domba Ambo tu, iduik sajati nan kaka, untuak salamo-lamonyo inyo indak ka binaso. Indak surang juwo doh urang nan ka dapek marabuik inyo dari tangan Ambo.**

**Yahya 11:43,44 Sasudah bakato bakcando itu, Baliau ba imbau jo suwaro nan kuwaik, "Oih Lazarus, kaluwalah!" 44 Mako kaluwalah si Lazarus dari kubuanyo. Tangannya jo kakinyo, babungkuh juwo lai jo kain kapan, mukonyo tasawok jo kain panutuik muko. "Bukaklah kain kapannyao, buliah saleso inyo bajalan," kecek Isa Almasih kabake urang-urang nan disinan.**

**Yahya 12:17 Urang-urang nan maliyek, kutiko Baliau ma imbau si Lazarus kaluwa dari kubua, untuak ka di iduikkan baliak sasudah mati, urang tu tatap juwo mancuritokan kajadian tu.**

**Yahya 17:2 Bapak lah mambari kuwaso, ateh kasadonyo umaik mukaluak kabake Anak, supayo Inyo buliah mambarikan iduik sajati nan kaka, kabake kasadonyo urang nan Bapak barikan kabake Inyo.**

**1 Korintus 15:19-26 Kok santano kito hanyo ma arokkan, untuak iduik nan di dunie ko sajo kapado Isa Almasih, mako dari kasadonyo umaik, kitolah urang nan paliang malang! 20 Tapi nyatonyo, Isa Almasih lah di iduikkan baliak sasudah mati. Ikolah nan jadi jaminannya, baraso urang-urang nan lah bi mati, inyo ka di iduikkan pulo baliak. 21 Dek karano, mauik tu masuak ka dunia ko malalui surang urang, baitu pulo, untuak supayo manusia tu bisa iduik baliak sasudah mati, mako Jehovah mambarikan pulo surang Urang kabake manusia. 22 Jadi kasadonyo manusia ko lah dalam mauik, dek karano inyo basatu jo Adam, baitu pulo kasadonyo urang nan lah basatu jo Isa Almasih, mako inyo ka di iduikkan baliak, dikaluwakan dari mauik. 23 Satiyok-tiyok urang ka di iduikkan baliak manuruik legarannya surang-surang: nan partamu-tamu Isa Almasih; kudian isuak dikutiko Baliau lah tibo baliak, barulah tibo pulo legaran bagi urang-urang nan tamasuak miliak Baliau. 24 Sasudah tu tajadilah kiyamaik. Dikutiko itu Isa Almasih ka mangalahkan sagalo pamarentahan, sagalo nan punyo kuwaso, sarato jo sagalo nan punyo kakuatan; sudah tu Baliau ka manyarahkan kakuwasoan-Nyo sabagai Rajo, kapado Jehovah, Bapak kito. 25 Isa Almasih musti tatap mamarentah, sampai tibo masonryo, Jehovah manjadikan kasadonyo musuah Isa Almasih tunduak**

**kapado Baliau. 26 Musuah nan paliang pangabisan, nan ka dikalahkan dek Baliau, iyolah mauik.**

**2 Korintus 1:9,10 rasonyo, kami ko lah saroman jo urang nan ka di ukun mati. Mangkonyo tajadi nan bakcando itu, supayo kami jan bagantuang kabake kakuatan diri sandiri, tapi kapado Jehovah, nan bisa ma iduikkan urang nan mati. 10 Baliaulah nan lah manyalamaikkan kami, dari bahayo mauik nan sangaik manakuikkan tu. Isuak Baliau pulolah nan ka manyalamaikkan kami, dek karano kabake Baliaulah kami ma arokkan sagalo sasuatu.**

**2 Korintus 3:6 Dek karano di Baliaulah, mangkonyo talok di kami untuak manjadi palayan dari suatu pajanjian nan baru; iyolah pajanjian nan bagantuang kapado Roh Jehovah, indak kabake paratuaran nan tatulih doh. Dek karano, nan tatulih tu mambawok mauik, sadangkan Roh Jehovah tu mambari iduik.**

**Kolose 1:21,22 Dawulu angku-angku jauah dari Jehovah. Angku-angku mamusuahi Baliau, dek karano kalakuan, sarato jo pikieran angku-angku jahek. 22 Tapi kiniko, malalui kamati Anak-Nyo, Jehovah manjadikan ubuangan angku-angku jo Baliau, manjadi elok baliak. Jo caro nan baitu, angku-angku dapek dibawok mangadap Jehovah dalam ka adaan nan suci, indak baceno, sarato indak bacacek.**

**2 Timotius 3:8,9 Samo jo bakcando Yanes jo Yambres, nan malawan Nabi Musa saisuak, jo caro nan baitu pulolah urang-urang tu malawan pangajaran nan dari Jehovah. Pikierannya lah rusak, nan imannya lah runtuah. 9 Tapi urang-urang tu indak ka mancapai sabuwah alah jo doh, dek karano, kapandie-anryo ka dikatawui dek kasadonyo urang, samo jo bakcando nan lah di alami dek Yanes jo Yambres. (Hizkiel 13:17-23)**

**Ibrani 2:9 Tapi kito lah maliyek Isa Almasih bakuwaso! Baliau dijadikan saketek labiah randah, daripado malekaik, untuak maso nan sabanta, supayo ateh kabaiakkan ati Jehovah, Baliau dapek mati untuak kasadonyo umaik manusia. Kiniko kito lah maliyek Baliau dibari pangkaik nan mulie, sarato nan ta aromaik, dek karano Baliau lah manangguang sansaro sampai mati.**

**Ibrani 2:14,15 Dek karano, urang-urang nan Baliau sabuik anak tu, adolah mukaluak manusia nan bisa mati, mako Isa Almasih sandiri manjadi samo jo urang-urang tu, sarato iduik dalam ka adaan manusia. Baliau pabuwek bakcando itu, supayo jo kamati-Nyo tu, Baliau dapek mambinasokan Ubilih nan manguwasi mauik. 15 Jo caro itu, Baliau malapehkan urang-urang nan salamo iduik dipabudak, dek karano takuik kabake mauik.**

**Ibrani 11:5 Dek karano ba iman, mako Henokh indak mati, tapi inyo di angkek sarato dibawok kapado Jehovah. Indak surang juwo doh urang nan dapek manamukan inyo, dek karano inyo lah di angkek dek Jehovah. Di Alkitab**

**tatulih baraso sabalun Henokh di angkek, inyo manyanangkan ati Jehovah.**

**1 Petrus 3:18 Dek karano, Isa Almasih sandiri mati hanyo sakali sajo untuak salamo-lamonyo, dek karano di doso manusia -- surang urang nan indak basalah, mati untuak urang nan basalah. Isa Almasih mangarajokan itu, supayo Baliau dapek mambimbiang angku-angku kapado Jehovah. Baliau dibunuah sacaro tubuah, tapi di iduikkan baliak sacaro rohani.**

**2 Petrus 1:3 Jehovah lah mamakai kuwaso ilahi-Nyo untuak mambarikan kabake kito sagalo sasuatu, nan diparalukan untuak iduik ba ibadaik. Baliau mangarajokan iko malalui apo nan kito katawui tantang Isa Almasih, nan lah ma imbau kito untuak dapek marasokan kabasaran, sarato jo kabaiakkan Baliau.**

**2 Petrus 2:1,3 Pado maso nan talah sudah, di antaro umaik Jehovah, lah bi mancogok nabi-nabi palasu. Baitu pulo di antaro angku-angku, ka bi mancogok pulo guru-guru palasu. Inyo ka bi mamasuakkan pangajaran-pangajaran nan indak batua, nan mambinasokan urang. Inyo ka mamungkie-i Panguwaso nan lah manabuih inyo. Jo caro nan baitu, inyo mandatangkan kabinasoan ka dirinyo sorang, nan sacapeknyo ka manimpo diri inyo. 3 Dek karano guru-guru palasu tu cangok, mako inyo ka mancuritokan kabake angku-angku, curito nan dibuwek-buweknyo sorang, untuak ka ma ambiak labo dari angku-angku. Tapi pangadielan untuak pa ukun inyo tu lah lamo disadiyokan, kabinasoan nan untuak inyo, lah sadang mananti.**

**1 Yahya 3:14 Kito tawu, baraso kito lah kaluwa dari mauik, sarato lah pindah kabake iduik. Kito tawu itu, dek karano kito mangasiah sasamo sudaro kito. Urang nan indak mangasiah, ba arati inyo, dikuwasoi juwo lai dek mauik.**

**1 Yahya 5:11 Ikolah pangakuan tu: Jehovah lah mambarikan kabake kito iduik sajati nan kaka, nan Anak-Nyo adolah tampaik asa iduik tu.**

**Wahyu 21:6 Sudah tu Baliau bakato, "Lah salasai! Adenlah nan partamu, Adenlah nan tarakir; Adenlah Tuhan dari Sajak Samulo sampai Ka Akienyo. Satiyok urang nan auih, ka Den agiah minun sacaro perai, dari tampaik asa ayie nan mambari iduik. (Kiyeh 14:27)**

**Hizkiel 13:17-23 Jehovah delivers the jiwa of Jehovah people from witchcraft.**

**Yesaya 28:15,18 covenant with death, and agreement with hell - Jehovah breaks.**

**Yesaya 5:24 rotton root**

**Yoel 1:12 withered joy**

**Hosea 13:15 dry spring & dry fountain**